

- 95 Patres huius nominis sunt canonizati,
 Viris apostolicis longe prerogati,
 Excellenter gloria celi coronati.
 Nomen hoc laudabile, nomen magestati
 Congruens, quo nomini viles sunt magnati,
 100 Humiles innocui stercore levati¹,
 Fastu vero turgidi sunt humiliati.

- Primus Innocentius stola iuris² datur,
 Et ob hoc in patria lucis collocatur.
 Alter Innocencius celis coronatur,
 105 Meritis et nomine primo coequatur.
 Tercius Innocencius gestis declaratur,
 Scriptis nichilominus³ hic magnificatur:
 Reges hic humilians primis prerogatur,
 Tandem post curricula mundi celo⁴ datur.

- 110 Quartus Innocencius gradus transit horum:
 Circulum de naribus traxit hic magnorum,
 Artes et fallacias vacuavit quorum,
 Fulcimentum scismatis⁵, bases profanorum
 Extirpabit funditus; spes desperatorum,
 115 Mentis huc convertite: sic exemplar morum
 Spargens dat pauperibus, fons est hic honorum,
 Cuius stet iusticia fine seculorum.

- Dominus si diligit hylarem datorem⁶,
 Cuius libri series⁷ fert hylariorem?
 120 Successores censeam Petri, dans honorem
 Viris probatissimis: quarto clariorem
 Numquid Innocentio sive forciozem,
 Talemve reperiam, pagine tenorem

- Sacre si revolvero? cuncti nil dedere
 125 – Respective dixerim – gratis et non ere.
 Personis ecclesias illustrando vere,
 Constans⁸, laudabiliter docens abolere
 Modos symoniacos, quibus viluere
 – Proh dolor – ecclesie, patres, qui sincere

- 130 Donativis studeant metas observare
 Patris Innocentii, parvos relevare,

1) Vgl. Ps. 112, 7; 1. Reg. 2, 8. 2) 'uiris' Hs. 3) 'nichom⁹' Hs.
 4) 'd celo', 'd' durch Punkt getilgt Hs. 5) 'cismatis' Hs. 6) Vgl.
 2. Cor. 9, 7: 'hylarem enim datorem diligit deus'. 7) 'sories' Hs.
 8) 'Const⁹' Hs.